


津田文庫
文庫 1
1521
41



國朝麗體全膏卷四

拜颺集

請祝

萬壽

前題

恭請編輯

萬壽八旬慶典

金川全境蕩平賀摺

進吳江掉歌

禮親王

直省將軍督撫

阿桂

畢沅

010190607866

拜颺集

巡幸天津進詩賦册

請鑑

梁國治

御製文二集

謝

禮親王

賞平定臺灣告成

熱河

文廟碑文摺

謝 賞擬白居易新樂府

賞題燈聯詞時晴齋法帖

謝

陝甘總督

賞全韻詩摺

謝

禮親王

賞通鑑綱目續編內發明廣義題辭墨刻

謝

禮親王

賞

御製及蘇軾超然臺記說墨刻摺

謝

禮親王

賞圭璋說摺圭說墨刻摺

謝

禮親王

賞

御臨宋李迪雞雛待飼圖墨刻摺

謝

圖薩布

賜燈聯詞墨刻摺

謝

圖薩布

賜鹿肉

五十五年普蠲

嵇璜

三幸天津謝恩

紀昀

四十一年江南展賑

于敏中

江南謝賑

于敏中

江西加賑

彭元瑞

安徽加賑

張若淳

和碩禮親王百永恩等謹

方丈庫

昌期歡臚率土敬陳積悃願觀

隆儀事欽惟

皇上

福備箕疇

治光軒紀慎厥修而思永

寅紹丕基久於道以化成緝熙



純嘏建極保極會運世乃統於元大生廣生祿位名

必得其壽粵若紀逢開甲萃一堂

五代之神洎茲歲叶先庚肇

萬壽八旬之慶

功文極於魏煥

典禮觀其會通瑞軼古今歡騰中外溯自

豐規則大苞符著乾健之文

馨德升中圖錄演泰元之策業兼守創纘

洪緒而仔肩統合

君師徧芸生而在宥

神武則星源月竈隸漢唐宋元明莫隸之方輿

人文則奎藻雲章開唐虞夏商周末闕之丕運况復

父母羣物天地一家惠我有孚所其無逸東作西成

之補助間夜求衣先河後海之宣防乘春蒞

蹕罷催科於廬并錙租普免者三停轉漕於滕隍

玉粒全蠲者再千百萬

帑金

叠沛發

綸言而山積泉流卅四科黃榜聯開額髦俊而雲蒸

霞蔚是以九流仰鏡翊鞏固於金甌六氣調鈞

賚延洪於玉笏蒼緯應房心之位

德乃福基紫垣明角亢之占

仁為壽體際淳龐之懿軌惟讓

善而弗居臻盛美之上儀洵推

恩其有自

錫類廣

施仁之量

典勿多於

五旬六旬

單心裕丕基之原

幾恒救於一日二日追夫

古稀躋袞

昊貺增庥千載一時萬方同慶瑤原毓社會元綿姬

媿之庥翠瀝流甘耆耆普堯尊之惠珠囊錫羨

未足摹繪光華玉檢芝封詎能鋪張英茂顧迺

道冲為用播

鴻名而其能名

澤兌無疆

施美利而不言利。謹德隅而念典。

黃屋凝旒。凜心矩以

敷言。丹書陳戒。時幾交茲。昭祐助於

穹儀。弗祿允康。庶純常於

景祚。太和所謂道。惟久則徵。嘉會得其亨。於斯為盛。

洪惟

椿紀迓上章之歲。覽揆延禧。蘿圖應

曼壽之辰。期頤兆瑞。披廿二朝之甲子。享國壽如三

代。以前統八千歲為春秋。

介年初度百分之一。實鳳籥龍編所未觀。洵電樞星

渚之莫京。猶復

謙德彌尊

淵衷並懋。際鼎洽重熙之世。華祝三辭。

厯持盈保泰之懷。幽觥再讓。典隆法

祖考鴻章而已。展廿年祐篤承

天富

拜賜集

鼎錄而粵開萬禩雖元功不宰大鈞昭易簡之符而
協氣所蒸寰宇切

尊親之戴驗風受吏梯航無間於遐陬獻曝酬
恩舞蹈不遺於編戶沐

陽春之煦育草木貢其蕃庶觀復旦之文明星雲呈
其糾縷揆厥感孚之理倍萬籟騰準諸協應之

情大千讚誦臣等幸依

黼座常侍

彤廷仰

醉穆之

天顏康疆逢吉祝

升恒之

聖竿福祿來崇

壽字借遊頌禱罕徵諸以菓

恩暉久被瞻仰彌篤於班行切為鞠脛稱觴共志循
陔之喜矧夫廣颺拜手羣伸聯陞之歡荷

壽載之

深仁效抒誠於葵藿普垓埏之至樂擬祝

麗體金膏卷四

五

賜於臺萊伏願
俯順輿情踵修

鉅典集千春之

慶祉量福海以添籌合九寓之歡心測恒沙而益紀

庶幾郊游暇集成應

帝期巷舞衢謠交陳

王會九萬里圓顧方趾襄裳採鵝鰓之區三千叟皓

首麗看扶杖集龍鸞之隊臣等實深踴躍懼忝

激切屏營之至謹合詞恭摺云

真省將軍督撫等官 吳永璋 劉我 等跪

奏為

聖壽凝禧輿情積忭敬抒誠願共懇

思俞事欽惟我

皇上福基自德

壽本諸仁積籌開七表之初既超六帝而治功甚遠

握籙越五旬而外更後三代而往牒未聞仰

敬

天

法

祖愛民勤政之心予億兆人以共見臚

文德武功剗制顯庸之盛。纍千萬牘而難窮。莫贊一
詞難抒衆志。達下情之忠孝。彰上瑞之苞符。必
有德其乃有心。曰以頌實。斬以祝竊。以天皇萬歲。史
臣喜紀其春秋。黃帝百年。大撓慶編其甲子。堯
髦期而勤著。衢壤效歌。舜大德而壽符。星雲同
慶。雅履戩穀。徵日長川。至之祥。幽晉無疆。躋朋
酒羔羊之獻。允合詩書之古義。真由草野之至

情我

聖上久道化成。惠心元吉。

撫綏黎庶。則蠲紆賑備之。不絕。書覆冒臣工。則
教誨成全者。亦多術。特科廣選。三雍

澤被於縫衣。日廩月糧。伍廣

恩周於衲服。極天所覆。偕一十七省。而共樂舒長。八
人也深閱五十二年。而彌加淪浹。凡平日之塗

歌巷舞咸欽

有道聖人際

昌辰而膜頂焚香同依

無量壽佛前值

古稀之鴻慶竝殷祝嘏之蟻忱

皇上謙德示冲

天懷崇儉念切於

君心民體知兆姓有願稱觥樂惟在吏畏民懷

諭列服無庸詣闕莫展祝

釐之典仍邀行慶之恩雖

天地為心如父母不言施報而歲月以冀即愚賤亦

具性情含意未申久懷欲吐事豫則立積七年

當後甲之辰誠感而通期

萬壽值先庚之歲虹流雷繞箕疇備五福之堂日升

月恒

軒紀周八旬之算蘭階就傳蕃椒衍庭之益臻

楓展勅幾食旰衣宵之逾劭日又新而富有天不息

而貞恒八卦生八卦成八紀大衍之策五天

數五地數五五居河圖之中運悠於乾清坤寧

慶洽乎上蟠下際皇春帝夏闢壽寓而皆遊卿

月民星望春臺而共上。虔思引領肅布齋心。歲序逢春在。蟲鳥亦鳴。其豫義娥正午。凡天翹莫閱其榮。山尚呼嵩嶽之三。水解向朝宗之四。况乎三千人。變宴引。

熙朝長養之年。亦有二百戶元孫羅。

盛世蕃滋之衆。銅鳩竹馬各懷益壽之心。極北弧南。

辨作稱觴之字自

天子所莫不尊親為

聖人氓借來奔走。軒乎舞。龔乎鼓音。如大海潮音暢。

者。垓溯者。埏數比。恒河沙數。願乘嘉會樂舉上儀。叶萬世之逢辰。先三秋而卜吉。相小民之年及歲。尚邀束帛之頒。如赤子之壽。其親如猶萊衣之舞。芹雖微而可獻。曝亦寫誠。葵以賤而知傾。日能迴照。臣等情深愛日。職在宣風。仰乘乾出震。持謙保泰之衷。康強逢吉。萃東漸西。被北燮南。諧之。悃聲教大同。採自輶軒。民之情大可見。酌言康爵。

天之聽且兼違仰懇

俞音獲成盛禮粵惟述

祖德期已展於廿年從此祝

聖人典更隆於萬度歛厥福錫厥庶五

皇極而道乃會歸南有臺北有萊

萬壽祺惟民之父母茲據官紳兵民等合辭歡籲前

來臣等謹會同繕摺具

奏云

大學士公 臣阿 等謹

奏為

大慶祝釐上儀紀實恭請編輯

萬壽八旬盛典以顯苞符以光冊府事欽惟我

皇上乾行合撰隆運重熙億祺昌辰篤若木樨華之

瑞萬靈慶會臻常羊荆馬之祥年三登而計

帝期綏以多者歲豐人樂

壽八旬而躋仁域遊於宇者詠德含淳

至誠之悠久無疆冠百王而首出

皇極之康強逢吉履五福以大同豈惟子姒黃姚挈
高齡而莫並亦越炎羲巢燧輸景祚以未逢洪
惟五十五年恭遇

八旬萬壽九五演易九五演範疊五策天地之全八
千歲春八千歲秋積八入宮商之頌嶽輸川效
集萬有以承

歡萊北臺南寫羣情而請祝仰蒙

睿鑒俯賜

俞音方當鱗集鳧趨披鱗國鵠邦之恂矧緊筵景蒙濡

墨綴西清東閣之班切以三皇各歲萬八千史
臣勤之古牒伊者在位七十載虞典首於尙書
姬公尊迺哲之人表殷宗之克壽宰我諭德繫
之說問黃帝之永年肇聖節於五日之絲囊上
寶書有千秋之全鑑皆傳紀譔布在縑緗粵稽
康熙癸巳三月之辰實惟

聖祖甲子六週之度時啟事允臣工之春厥成編誌盛
美之模我

皇上率

祖攸行自一

天申錫凡一二日

敕幾之罔暇悉

家法以丕承况二十年稱觴之展期廣舊章之成憲宜

煥琅編之色重宣瑤籙之光惟是躬握治平心

參造化敬

天法

祖勤政愛民內聖外王之規細目宏綱之綜秉文德則

文二集詩五集彙全書四庫而為昭鑠武功則

平準部蕩回部綏金川西番之耆定孚慈惠而
司農之籍竿億萬以全蠲考制作而太史之書
監三五而大脩具載左言右動之記註且經

帝典王謨之發揮大莫名

天小難言

聖予億兆人以共聞共見民可使知取二三策曰稽

舜稽堯書不盡意茲臚盛典取協

壽符昔時讓善為懷六甲慎恒言之禮撝謙皆吉七

表謝獻吉之文羣志未申九秋以冀滙籤羅於

一西叶環轉於重庚擬以今衆所陳昉自

古稀之說十年一集由七旬至於八旬

萬歲三呼積初帙纍爲億帙倣前書而一例攙全部
以六門首弁

宏章次掄

聖德崇閱教典

恩施普記於環瀛點染成圖歌詠備呈於擊壤均踵
事以媿後

先之合撰兼旁通以耀

作述之加隆更有績者邇年目當創始騰膚功之遠播

撮盛事之嘉祥則若掃苞拚於石峯戎無伏莽
築鯨鯢於鹿耳海不揚波滇徼逋會誓酬

恩而納贄日南舊國感申義以親朝高句驪拜尙齒
之筵布魯特跪長年之婦蓮邏斛國刻新印以
冊封屋翬社番增故圖之職貢總本

精神之康裕蟠際紘埏益彰赫濯之

聲靈彌綸宇宙况迺制邁法古兆每應期

五代同堂豐庭闡之行蹤十葉以外晉階級之本支

嘉筵紹於

彤墀老吾老及三千叟太和光於蔀屋孫生孫者
二百家辟雍道德之流講仁敬而詮更老賢舍
園門之表西鎮迺而東與桓韋臺觀光

賜秋試春闈或罷官而登第期願綿算

賚天章奎畫增繡段與朱提望吉帛之展甄塔如繞
佛啟綠衣之冬蟄蝶亦能仙雖

盛世不侈瑞應之圖而

壽室自副吉機之下益嚴恭寅畏所其無逸彌培曼

羨之原斯

聰明容知足以有臨倍切尊親之戴丕冒海隅出日
壽考且寧大亨夫下隨時會歸有極歌太平於
旣醉萬年頌介昭明狂

純嘏以來同四方民大和會抑戒百歲譜全詩八
殿左之絃禹貢九州斥彌文惟土宜之獻於
彛訓歛而敷錫隨

聖政先以編摩作為一經族虞夏之渾渾爾垂諸萬
世揭日月之昭昭然臣等願積瀛壽身依

天庠值駿龐之慶雲動風翔陶鴻朗之基溟長嶽固
乾坤有象繪豪素以非全章海難量舉跬步以
詎足擬竭方隅之見強稱大道之名奉三無私
聖人之作也如覆載照致四必得

昊天其子之以保佑申請誦六章之詩川至日升月恒
山阜岡陵松柏之茂履敷九功之敘利用厚生
正德水火金木土穀惟修久道以成義存乎先
勞無倦

神明而壽理徵諸莊敬日強虔抽麟管之編共籥兕

觥之什潤色未工載筆尙仰稟於

文思鋪張匪事摘詞但實陳於邦治林攄衆志翹瀆

聖聰謹合詞恭請伏祈

恩准施行臣等無任歡躍待命之至謹

十奏一

陝西巡撫臣畢沅謹

奏為恭陳賀悃仰祈

聖鑒事本年十二月初九日辰刻紅旗馳遞過陝

天威震疊噶拉依賊巢已克金川全境蕩平俘虜同

獻

洪勛迅集大凱言旋臣幸際

昌期莫名歡忭欽惟

皇上神武懋昭德威遐被綜乾維而恢輿籍秉泰道
以啟華封億千年濛汜之區光開日月數萬里

狂獠之窟氣翊風雲境爲亘古所罕通事屬生
民之未有蠢茲小醜僻處窮荒星象參旗天界
中華以外河開玉斧地逾兩戒而遙而迺自絕
生成敢辜亭毒

殿前聚米勞

青昨之

神謨閩外借籌昇韜戎之勝算計鬼方之克期以三
年肆獯豸之攻棘於六月懸車束馬堅礪累陷
夫蚕叢犄角攻心絕塞先傾於鼠穴禳彼勒烏

圍潰早兆烏空憤茲噶拉依堅重勞朽拉雖窮
猿人檻勢無異於成擒而黠鼠跳囊典尙遲夫
寸磔惟我

皇上整不庭之斧

授決勝之符嚴申兩路之雄師重誓九司之勁旅
雨礮風旌之下厲曠騎以無前繩橋竿渡之間
出宛渠之不意心識孤虛遁甲有日開山勢成
電激星馳尅期掃穴從天而下先聲大振於建
瓴絕地以通要害遂成於破竹負罪者孽由自

作既落距而摧牙懷德者誠有同歸更聯肩而
接踵大鯨鯢而小臬獍駢頭甘後至之誅左干
戚而右鏡簫渠首獻前驅之縛安全臬散撫慰
華離築三受降之城置五屬國之府諸番無事
將買犢以耕耘萬馬不嘶盡解鞍而蹠躩由是
策勳飲至諏禮陳俘歌杖杜以榮還師設苜茅
而酬專閭遵謁

陵之典報

景結於珠邱展禮代出之儀勒鴻庸於玉檢銘勳

闕里揚大烈於億萬斯年行慶齊州合歡心於千
八百國此皆仰賴

皇上神機獨運

睿炳先幾自陳師

命下之初暨整旅還軍之日決謀定策胥由五夜焦
勞汗渙言傳咸出

九重經畫有征無戰惟斷乃成罄地隙圖指萬里如
逢几席窮天立界信中原不盡提封茲者勝旅
馳旋捷書迅至六軍饒吹新翻巴夔之歌萬姓

壺漿爭獻郛筒之酒三峯華嶽待歸馬於秦垆
四扇潼關佇駢駘於周道緇

天上佳音之至正春明

啟蹕之辰

豹尾蜺旌問玉戚朱干而彌形踔厲長楊細柳映
青旂翠蓋而倍覺飛揚莫罄形容惟知舞蹈謹
將歡忭下忱繕摺具

奏伏祈

皇上睿鑒謹 奏

進吳江棹歌

紫葢飛花正二月

時巡之候青郊弭節慰三吳望

幸之忱地界江淮星分牛女值歲紀之一旬慶

乘輿之三至仰惟

皇帝陛下典懋省方道勤展義抱萬姓之痼瘵視天
下若几席數萬里山川風景頻駐

仙輿廿七年

宵旰憂勤時勞

清問再經吳會大沛

恩綸旋返

六飛又逾五載江頭父老咸計日以待春旂茂苑鶯
花亦向陽而迎

法駕時則遐庭掃蕩絕徼清夷拓規外之版圖均被
和風甘霽召域中之瑞應羣瞻景曜祥光自武

成奏凱之年嗣

茲壽稱觴之歲七旬宜慶萬國承

歡而吳越阻修士民籲訶願効華封之祝敬陳絳縣

之書

皇帝迺俯納民虔屢頒

鳳詔遂申

明德載減

鸞儀春麗江山扶

大安之雕輦道除

警蹕散內府之金錢民間歌舞之情不殊舊日天上

雨膏之

賜更沛

新恩屏雕飾而後遊觀東南水利處處仰賴

宸謨課農桑而諮晴雨稼穡民依時時總煩

睿慮而平江迤邐畫舫迴環花步洲邊首記南都之

佳麗姑蘇臺畔載欣

北極之瞻依溯泰伯之遺風人知禮讓訪吳宮之舊

址俗尚繁華邇因

聖澤涵濡

王言訓勉閭閻既竝沐

生成風氣亦漸歸醇樸觀萬家之烟火如遊化國之

春減十里之笙歌僅效清塵之役所過山亭水

榭重揮

御筆以留題偶來佛地珠宮齊獻瑤觴而介

壽

宸遊悅豫黎庶歡欣盼

仙蹕之經行而兩戒山河周臨日馭樂春華之韶媚

而十旬

眷顧半注吳頭臣生長田間遭逢

昌運仰蒙異數叨列清班

殿陛簪毫會侍豹尾屬車之側。滄波垂釣。來自燕烟。
蘆雪之中。習聞欵乃之清聲。竊効土音之是搯。
因臚民諺。專采吳風。製吳江權歌三十首。聊以
達桑梓之下情。折隆平之盛事。謹再拜稽首以
獻。

京官。○進詩冊

乾隆二十二年恭遇

聖駕巡幸天津典懋兩儀

恩隆三輔。諏仲春而展義。仰紹神堯。刻玉之遊。指澤
國以行春。重奏大禹錫圭之績。河渠効順。耕鑿
蒙休。欽惟我

皇上道叶平成。政先土教。

念閭閻之休戚。田功與水利相資。

籌蓄洩之機宜。南戒與北條並重。蓋津門沮洳僻郡。

奉為衆水之歸壚而直屬疏導多方頗著近年之成效虹隄履勘益規善後之宜

祖以勤民自今區畫周詳合河海沾淀而共慶安瀾此

次

恩施優渥統上下神人而群沾

醴化臣等備員

禁籟珥筆詞垣忻盛典之躬逢慕矢音而拜獻謹

撰詩賦册合裝一函恭塵

御覽識同門燭恐難摹繪夫昇平職忝陳詩敢效拜

颺於

殿陛謹

奏

大學士臣梁國治侍郎臣董誥謹

奏為恭編

御製文二集告成敬請鐫刻以示訓行以彰美備事

欽惟我

皇上聖學淵富文德日新以內聖外王之功致健行
恒久之治文因見道化以觀成自癸未以前編
刻

御製文初集久已經緯輿蓋照耀義娥茲自甲申至
乙巳二十二年復得

文四百一十一首臣等獲侍

禁近每

丹稿初成輒蒙

宣示相與誦習講貫適然若驚恍然若迷復渙然若

釋思欲竭管蠡闕測萬一竊以為自虞夏商周

秦漢唐宋之文所謂渾噩醇厚博大奧衍者各

有專長論文者亦各有專主其言大而夸者莫

如李漢序韓愈之文曰周情孔思是言也愈何

足以當之周公之文多言治自易之爻辭書之

立政周官無逸詩之豳風大雅諸什周禮之六

官皆其文也不惟其文所以立法度宅宥密萬

世言治者之所守也孔子之文多言道自易之

十翼春秋之褒貶論語之遺言禮記孝經諸賢

之傳述皆其文也不惟其文所以昭天地系民

物萬世言道者之所宗也臣等排次三集仰窺

御製於所

天永命念

祖由舊每篇之中三致意焉若

巡典若水利若政經若武功若遠化凡出之為

明堂之治即敷之為

皇極之言若是者皆周公之文若

經筵之論若辨發易書詩春秋之微言大義進退諸

史之得失是正諸儒之舊聞慎守器失統之由

闡褒忠討貳之義旁逮聲音文字名物象數以

當名辨物正言斷辭即小見大若是者皆孔子

之文然後知李漢徒有是語舉千古之文人皆

不足以當之至我

大聖人而後周情孔思之得舍而有真也然且漢之

言曰情曰思者何也周公有其德有其時而無

其位孔子有其德而無其位并無其時故其於

文以是為聖人之情爾思爾我

皇上坐而言即舉而措或綏猷建極經數十年夙夜

劼愷而後為文以紀之或溥博淵泉萬幾未起

而先為文以發之蘊為情思顯為事功蓋兼德

位時三者而一之故合文與治與道三者而一

之也臣等恭依初集體例排類為四十四卷繕

錄進

呈並請

發下刊刻以傳布九有垂示萬世臣等曷勝欽服欣

幸之至謹

奏乾隆五十一年五月二十五日

奏奉

旨如所請行欽此

禮親王臣永等謹

奏為恭謝

天恩事本月十八日復蒙

恩賞

御製平定臺灣告成熱河

文廟碑文臣等謹叩頭祇頌臣欽惟我

皇上

德洽寰瀛

勳懸日月法

拜殿集
堯天之魏蕩成功繼以文章軼魯泮之聲詩奏凱登
諸律呂

先幾獨朗義在於知微知章知柔知剛
皇極所敷德備天乃聖乃神乃文乃武
天無私覆七德舞而九功歌海不揚波萬國寧而
一人壽爰以臺灣武成之績用著熱河

文廟之碑

睿藻鴻敷

宸衷淵抑媯文義畫昭麗景於三光海賦山經縷承

天之八柱謂西極屢成丕績銘勳四列成均而
東寧遠隔重洋勒石雙標紀事維此與桓工塞
太微爲

巡幸之垣矧知

宵旰前籌國學視受成之地景勝謀之預定令出承
風鑠

聖武之維揚師行若雨英雄風選百人力敵乎萬人
謀勇相資二將心同於一將履鯨波如衽席寶
奉螺旋勵虎氣於艤艫靈徵鳥降五夜之精誠

格

帝崇武嶼萬舸神驅百年之

厚澤在人嘉義縣千厝勸動戈揮巢落大里之棧奚

存鼓進渠擒老獮之崎安托水師深入港詣鹿

而橫舟山社偕來番因鰲而建屋遂乃拘狼及

猥捕驅連叩藁街並懸首之竿瑯嶠殄游魂之

族蓋懲文恬武嬉之習民有義而無頑而稟

惠綏威怵之謨番雖生而亦熟煌煌

大語遠聞則緬甸來賓赫赫

王師移指而黎城底定

聖天子戰則克而受福仁無敵而不疑六合為家萬

年一日

天庥滋至殊勲既史冊稀聞

壽考無疆

鉅製亦從來未有方今驛傳吉報歲啟新韶來瞻

有海表之民燕賞列年班之坐臣等恭逢

朝慶預

賜奎文讀

聯詠於和春墓穹碑於中秘書誦者萬本萬遍越七
觀六義以垂型受藏而三沐三薰合四海九州
而抃頌臣等不勝悅服欣幸之至謹合詞繕摺
具

奏云
云

奏為恭謝

天恩事十二月二十六日蒙

恩賞臣等

御製擬白居易新樂府刻本各一部謹叩頭祇頌訖

欽惟我

皇上

文緯珠躔

道光玉券

奎章炳灼仰典誥於初函

聖藻璘玢宣詠歌於三集星雲並麗已制作之咸瞻
日月常新更篇題之彌富探源學海重補長慶
之遺編漱潤文河載詠香山之舊作嘉其意存
諷諭幾風雅之能追惜其韻叶宮商尚瑕瑜之
互見爰因古調別出新裁各賦

鴻篇式昭

大訓訂譌糾正是非胥協均平酌古衡今教化彌彰
廣大五十首重規疊矩溯

世德以垂謨數千言憂玉敲金借原題而抒義斥常
時之弊政皆

聖朝釐剔所全無闕

昭代之宏猷實往古見聞所未逮諧聲音於韶濩九
奏成章炳法戒於丹青千秋作鑑輝騰部帙宜
開龍閣之華筵珍比球圖迴歷籙林之重價鐫
來琬琰書萬本以流傳

賜出縹緗望三音而拜舞

鳳樓日麗映牙籤寶笈以分擎鎬築春生視絲勝

銀幡而信渥豈但述成金鏡非元白所能幾實
惟編檢石渠為向歆所未覩遭逢滋幸忝戴增
榮臣等學謝窺天才疎協律叨荷

九重之

宣示許聞

舜帝之歌宛如十曲之鏗鏘共聽

軒皇之樂

頻從

天上字字成金捧向人間家家握璧從此三薰敬讀

揆奧義於叢雲還期什襲尊藏應嘉祥於文露
所有臣等感湧下忱理合繕摺叩謝

主恩伏乞

睿鑒謹

奏

江西巡撫臣謹

奏為恭謝

天恩事竊臣賫摺差弁回江恭捧

恩賞題彭元瑞撰皇極殿燈聯詞一卷

欽定時晴齋法帖十册到臣隨出郊跪迎至署恭

設香案望

闕叩頭謝

恩祇頌訖欽惟我

皇上治隆義昊道洽疇圖座繪幽風圖史悉訐謨所

華屏書無逸文章皆實政之符久道光華寫杓

躡於璣鏡

奎章照耀抒藻鑿於墨池爰以臣元瑞之撰聯譜

華燈於春節並以臣由敦之書帙勒

實刻以時晴

皇極高懸采殿仰雲霞之麗天瓶媿選藝林騰琬琰

之輝臣學愧挾天心殷祝

聖際

慶霄之煥彩瑞叶連珠捧石榻以銘心珍逾合璧

奏為恭謝

天恩事竊臣接到駐京陝甘提塘官馬世清營奉軍

機處交出

恩賞

御製全韻詩一部臣當經恭設香案望

闕叩頭祇領訖欽惟我

皇上道闡苞符功隆繼述觀人文以成化緯地經天

鑒古訓以綏猷觀光揚烈惟日新之盛德游藝

本於依仁固夫繼之多能因文卽以見道爰值

勃幾之餘暇遂成統韻之

鴻篇接臺而

睿思舒霞灑墨而

宸章倬漢湖自生民伊始暨乎大統之成

神有德而

宗有功遂引歷年於勿替漸以仁而摩以義用昭四海

之永清緬

前徽而莫罄名言標

新製而別開規格固已淵源

羣聖精思每見於美璫由是差等百王炯戒長懸乎白

月危微十六字紹自虞廷治亂三千年凜於殷

鑒蓋

帝王之全量靡不兼賅洵翰墨之偉觀臻乎至極詩

以言志想見

宣衣問夜之勤言可爲經豈惟弄月吟風之什臣方

慚吐鳳技愧雕蟲瞻冊府之榮光彩流奎壁荷

琅函之

寵錫慶盜簪裾欣當木石之遭逢倍切非常之忭舞
從此三薰伏讀比琬琰以同珍還思什襲尊藏
揮縹緗而永守所有臣感激下忱謹繕摺云

禮親王臣永恩等跪

奏為恭謝

天恩事本月初七日仰蒙

恩賞

御製通鑑綱目續編內發明廣義題辭墨刻臣等謹
叩頭祇領訖欽惟我

皇上

治闡珠囊

法參寶鏡

王言昭信千秋懸星日之光

睿筆闢誣萬世凜春秋之旨森嚴永奪

辨一統於史書別白公私

序二編於明紀義垂輯覽秉至正以持衡鑑著要評

符大中而表極鞅鞅實惟肅慎特詳訂謬之文

建隆分注北遼彌斥悖經之例固已

章志而功逾衣鉞

折衷而記陋馬班矣乃披通鑑續編之冊證發明廣

義之誣灼然釐曲直是非刪節仰遵

神斷卓哉定人心世道紀綱深著

題辭指其條例之多踈謬難悉數摘彼銓評之失當

舊未加懲駁而正之舉其尤者世宗爲完顏令

主僅比小康女真守舊族淳風乃云當貶蒙古

弗戮和林之叛反謂有愧封庫家學欲兼漢字

之通且若不妨忘本說竟誣於變白病更甚於

吹毛踳駭雖異魏收正彼黨南而黨北辨冷不

同陳壽救其暗重而暗輕

發矇斯大道爲公差等者豈惟遼金元三代

科繆則諸家論定淹通者何啻才學識三長不容顛
倒存譏展卷發風霜之警用此維持今古引端
盡繩準之平昭垂久遠而名教彌彰尚契典謨
而綱常專炳洵覺生民之迷謬長標青史之精
微臣等深荷

垂慈仰蒙

宜賜風生翠坎知藝林私臆之非露洒鴻辭識典則
謹嚴之重正義尙原於軒紀微言直接於麟經
敬申誦以交欽用服膺而因敬謹合詞繕摺云

禮親王臣永恩等謹

奏爲恭謝

天恩事臣等荷蒙

恩賞

御製及蘇軾超然臺記說墨刻一卷謹叩頭祇領訖
欽惟我

皇上道光寰宇治洽垓垓格萬物而窮源允垂超詣
配兩儀而立極惟在內心無所謂遊覺羣言之
俱廢皆有可樂會一氣之相通粵惟蘇軾之守

膠曾葺城臺而作記常山濰水悉歸臨眺之中
月夕雪朝具見逍遙之趣爰寫一時勝槩遂成
千古奇文惜昧於物內物外之分未諳夫此身
此心之要等莊生之曠達固意朗而詞雄考孟
子之訓詞適捨本而逐末惟

宸衷之默運契大學之真詮上下與天地相參可大
可久會通而人我一體無同無殊乃反其文永
垂為則

天章彪炳示物理之無方

奎藻商皇表靈明之有準志虞其肆億萬年道統常
昭化達於神百千聖心源畢貫式頒

睿製載煥

鴻文披采殿之琳琅立儒林之模楷臣等見聞夙陋

學業蕪庸虔誦

至言戒放心之流弊敬聆

聖訓仰勤學之全功何殊振聵發矇不覺手舞足蹈
所有臣等感幸下情謹合詞繕摺云

禮親王臣永恩等謹

奏為恭謝

天恩事臣等荷蒙

恩賞

御製圭瑁說指圭說墨刻各一卷謹叩頭祇領訖欽

惟我

皇上德言九圻學超千禩啟西山之經帙訂古而溯
厥遺規勤乙夜之丹鉛析理而祛夫謬論博稽
圖籍明辨圭名玉輯萬方既統乎躬桓蒲藪纒

拜禮集

彰五彩更重於璜琥琮璋迨夫舊物漸湮罕見
三代守藏之器唯彼后人僞作多本諸家臆造
之辭若夫執瑄之儀爰云會朝之義鄭康成禮
德之訓不愧經神賈公彥齊瑞之文枉成書肆
紺珠而外王伯厚繪作圓形繁露以還程大昌
演成斜刻附會滋於崇文因仍繼以端臨皆鑿
語之相循實覺言之無補更有物遺其制禮遠
乎情琢表四山鎮圭既執以將敬約還中珉大
圭復藉以明虔捧而若盈當心已慎垂而如墜

曳踵爲難况乎道有變通制分沿革唐宋仍而
不改猶是從宜金元繼而相因斯爲襲謬且循
名於以責實亦由後可以溯前諸參勝國之留
貽益証羣儒之踏駁我

皇上隆禮由禮以經解經惟德動

天式著珪璋之度以仁襲

帝何煩琮璧之華披糟粕之陳言闡精微之妙蘊新

裁

睿藻永勒貞珉

天上頌宣欣誦

奎章之炳煥人間傳布頓開曲學之迂拘臣等質樸
譁囂才漸雕篆景

國朝之盛軌洵為後世之所可遵循陋五代之虛文
足徵書傳之未堪憑信所有臣等榮感下忱謹

合詞繕摺

禮親王臣永恩等謹

奏為恭謝

天恩事本月初七日伏蒙

恩賞

御臨宋李迪雞雛待飼圖墨刻一卷臣等謹叩頭祇

頌欽惟我

皇上惠洽保懷道通格致躋羣倫於仁壽視民如傷

運大造以行生盡物之性偶以

萬幾之暇游於六藝之餘藻集名流珍披冊府千秋

豪素猶傳汴宋丹青萬類性情有取河陽圖繪
賞其論說借以俯臨韻疊出以重題識長言而見意

益

靡民之宵旰目擊而存啟在抱之痼瘵心藏以寫農
原名扈民庶有鳩例鼓腹於率場寧為雞口通
抱雛於保赤豈異鷄音最丁寧偏稜之區用
申誠宅生之吏

國家帑發億萬蠲普再三為饗殮之計甚周念風
雨之鳴不已受牛羊而芻牧忍聽轉溝謀鴻鴈

之程梁勿令啓澤誰司教養得食鳥馴毋乏積
儲空倉雀芒覈流移之戶口于桀于堦賦升斗
於丁黃一飲一啄善行德意五雞二搯之無饑
嚴蔡姦香暮四朝三之皆怒弗虛糜於鶴祿免
詒請於鶴梁匪膏斯屯如卵而翼假之毛羽見
攜持保物之心導以聲詩具悱惻纏綿之旨龍
虎之文垂義畫鳥獸之時授堯言寶以饒珉頒
宜懸魏吏瞻思奮無與鶩爭食之譏民聽生歡
總維魚兆豐之歲在治忽觀古人之象繪作有

虞先稼穡知小民之依圖成無逸臣等殫慙鵠

特班黍鷄鸞孚惠誦

仁人之言觀文仰

化工之筆與百姓共久邀蒙養

深恩則有司存交勉循良

至訓陳報難而讀畫春鷓秋鷓恍對陶風七月之圖

偏飲食以賡歌日升月恒願上

大保九如之雅臣等曷任感服欣幸之至云云

牙圖薩布跪

奏為恭謝

天恩事本年六月二十日據廣東駐京提塘謝廷

揚領出

欽賜

御題燈聯詞墨刻十一卷恭寄到粵等隨跪迎至署

恭設香案望

闕叩頭謝

恩祇領訖欽惟我

皇上聖學深醇

天才淹貫。佳辰拈韻。旁搜五典之精。勝景留題。記括六經之要。固已盈廷。廣拜薄海。謳謨矣。茲因

御製詩篇。積成卷帙。近臣曾經恭錄奉

旨。永壽貞珉。烏玉新鐫。瞻仰則星輝日麗。青烟初染

觀摩則霞蔚雲蒸。洵藝苑之

鴻規實詞垣之

寶翰。穿賦質庸愚。未嫻吟咏。荷

龍光之寵賚。百世叨榮。誦

宸藻之琳琅。寸心欣慶。珍藏什襲。感激難名。所有下

忱。理合恭摺叩謝

天恩。伏乞

皇上睿鑒。謹

奏

廣東巡撫穿圖薩布跪

奏為恭謝

聖恩事。乾隆五十二年十月十六日。賚摺標弁

由

行在恭捧

皇上恩賜鹿肉到粵奴隨即出郊跪迎至署敬設香

案望

闕叩頭謝

恩祇領訖伏念 奴猥以庸愚奉職嶺表時逢秋獮

莫隨

扈從之班

賜出

尚方同被芬膏之

寵啓霜緘而香疑仙脯敬知田獲多豐割肥甘而分

逮宙僚共戴

匪頒普遍歡生載路慶溢嘗珍 奴才自顧駑駘感淪

肌髓惟有益稟素餐之戒永懷後食之心竭矢

葵衷以冀仰報

高厚

鴻施於萬一所有 奴才感激下悃理合繕摺叩謝

天恩云云

大學士 臣 嵇 等謹

奉為恭謝

天恩事乾隆五十五年正月初一日內閣奉
上諭朕賴

皇天蒼眷佑既逾古稀欣開八袞幸得小康時懷大惕自
乾隆十五年以迄四十二年特沛恩綸普免天下
錢糧業經三次矣等因欽此欽惟我

皇上

軒紀洪延

堯仁廣被運符乾健萬年長撫於璇圖

恩協春生四序均調於玉燭卜豐綏之告慶地寶咸

登瞻雲物以呈華歲星恒朗

念雨暘而

錫福正八徵作記之年慶星紀以符方先二月東巡
之候

天倉秣種曾再蠲惟正之供農部度支已三荷
溫綸之霽行慶施惠

天子不言有無鼓腹含哺

王者之民熙皞被

聖澤於通寰洽宙無一夫不浹髓淪肌慶逢
八表之元春復奉十行之

閭諭雞竿表闕甫聽宣

恩詔之條覓爵躋堂方共拜新正之宴

南郊祈穀七十二候之化日延長巽命

宣綸三百六句之泰辰伊始幽風可繪小民切籲於
稱觥禹甸偕畋至德更周於賜粟樂民生之康
又幾忘舉趾為勞課吏治之循良無慮催科或

拙千萬禩中天慶集十七省間歲膏流隨免半
之前文準輪蠲之舊例築場納稼洽隣惟聽村
春剝棗烹葵安枕無驚縣帖此皆

聖慈不肖

仁化涵濡而且

親御丹毫不宣

寶訓時已臻於邳治尚託小康

誠不息於健行恒深夕惕仰尊光之

謙德揭

省密之全功

帝力不知耕鑿滿春臺之上

一人有慶謳歌遍月窟而遙解愠阜財奉瑤觴於舜

日西成東作增

寶算於堯年

皇極之敷錫無涯庶類之感銜曷既臣等欣依魏闕

仰誦

宸謨惠心益驗有孚曠典實昭逾格念枌榆之逢歲
何地非春譬葵藿之傾陽無言可述惟願

璇樞朗耀周天拱北以羅星

寶籙長生大衆和南而禮佛繼光華之祝莫罄愚忱

和擊壤之謠同遊

鴻造臣等謹合詞恭謝云云

三幸天津謝

恩

禮部尚書

臣紀昀等謹

奏為恭謝

天恩事欽惟我

皇上恒照貞明乾元行健萬年有道居

北極以常尊二月時巡順東皇而布令

仁敷函夏裨瀛咸入於旃幃

澤布陽春郊甸允承夫雨露

化從近始康衢通戴斗之邦

恩每先霑

清蹕莅析津之次曩歲雨迎

日馭已欣

堯帝之游河今茲三度

天臨又見

軒皇之觀海春融沃野省耕過桔銓之鄉水且燕陲
問俗到烟波之外漁莊蟹舍十三橋遙接芳津柳陌
花村百五日恰逢韶景鳥盍聒耳時時聞擊壤
之聲青箬扶犁處處奏迎

鑿之曲桐生茂豫真與物以皆春節屋臚臚更自

天以錫福

埽軒

軍木不勞民茅殿

宣綸頻蒙

賜帑載芟載柞預蠲井稅之三分于橐干囊贏舉行
糧之一月鹽筴寬兩年之限

恩波與紫澗同深田租緩七邑之征生意與青陽并
暢

延恩列甄掄三賦之英髦養老頒金

褒百齡之耆壽。雙槎增值。權謳出鳧雁。羣中三輔。添
炊輿。頌接蠶。蟄寒外。當三月重三之禊節。更添
甘雨和風。經九十有九之淀河。普育潛鱗。翔羽
十萬井提封之內。喜氣冲融。五百里甸服之間。
頌聲合還。真名言之莫罄。咸慶怵之彌增。臣等
叨隸殷畿。喜聞夏諺。東逾碣石。西袤鉅鹿。以西
南界弓高。北越盧龍。以北疆連赤縣。總梓誼之
相關路迓。

青旂。覺葵心之倍切。屏營獻頌。敢敬陳三輔之風。鞠

臆。擣毫用代。寫四民之悃。

神功

茂育知難補報于涓埃。

聖壽延洪。惟祝升恒于日月。所有臣等感激下忱。謹

合詞繕摺具

奏恭謝

天恩為此云

四十一年江南展賑

大學士臣于敏中謹

奏為恭謝

天恩事乾隆四十一年正月初二日奉

上諭 欽此欽惟我

皇。上。德。施。有。截。惠。被。無。疆。普。四。十。一。載。之。昌。符。乾。惕。常。規。行。健。開。三。百。六。旬。之。新。籥。覃。敷。首。在。頒。春。

惟下江壤沃多延康阜際屢豐之後乃昨歲旱
荒偶告毗連及數郡而遙雖不雨經時沐

惠養之稠同霽澤而有秋不異念畢逋並免及催

科緣大吏之陳言逮

聖皇之湛闡固已茅簷土銜感深於賜半賜全抑且
水耨火耕慶兆平餘三餘九茲以序迎韶令民
樂熙恬力作青疇將屆分秧之候含哺白屋尙
遲刈麥之期軫婦子之勤劬或恐晨炊未繼值
農桑之樂利還虞生計猶儉

堯階抽二葉之蕓春和始布禹甸拜十行之札

天語頻申遂展賑於南疆用宣仁於

北闕郡釐邑次隨方是較重輕戶別口分按籍胥權

緩急蘭陵秣陵之地輿傳水郭煙村練湖射湖
之區春溢魚莊蟹舍從此糧看棲畝寧煩應庚
癸之呼雨協濯枝無待占丙丁之帖益下詎云
損上與物皆春圖易卽屬思艱望

君若歲臣等身依槐棘心繫枌榆

明詔鳳御恍沐浴於舊德先疇之內私悰雀躍實蹈

詠平

青旂鸞輅之間憶金山東望流長春色共
恩波並潤快玉壘西來騰捷衢詞與凱唱爭新為此

合詞具摺

云

拜賜集

江南謝賑

奏爲恭謝

天恩事乾隆四十一年正月初二日內閣抄出奉

上諭 等因欽此恭惟我

皇上惠洽垓塢仁覃雨露卬農祥於十稔勤依思稼
穡之難兆豐澤於千箱調序協雨暘之順擢合
類連莖而告慶常欣繡隴青敷彙崇墉比櫛以
呈庥真見珠芒紅積喜處處含和食德耕餘何
止於九年猶時時

賜復蠲租藏富倍盈於百室卽偶歲逢歉薄仍安作
息之熙恬顧蒙抱切痾瘵

特沛絲綸之優渥維此泗淮之偏壤稍緣霖震之需
期緩庸調於催科比戶蚤敦龐洽化計丁黃於
給餼窮閭都挾纊知

恩遂浹髓而淪肌不改西成之樂方荷鋤而痔罇爭
趨南畝之功迺陽澤之昭孚復

醴膏之誕布等盈寧於部屋養飧已足於已冬廣樂
利於茅簷館粥更加夫一月

念屢紆而彌摯田廬尚軫如傷腹已鼓而重叨食息
皆邀曲賜清流關畔群歌化日之舒長洪澤湖
邊難比

恩波之浩蕩定識十行騰
詔遍擊轅歌壤而共祝

新祺行看雙穗書編叶甘雨和風而彌徵上瑞臣等情
抒若藿念切維桑拜尺一而喧傳喜氣洽新韶
之慶指鄉閭而蹈舞歡聲諧奏捷之音鰲抃難
名嵩呼曷罄所有感激下忱云

[Faint bleed-through text from the reverse side of the page]

江西加賑

兵部尚書

臣彭瑞等謹

奏為恭謝

天恩事內閣奉

上諭上年江西南昌饒州九江等府屬秋禾被淹成災節經降旨等因欽此欽惟我

皇上仁周壽寓澤洽春臺履端而肇祚迎祥福惟敷庶行慶以給求養欲功迺即康連歲占豐已叶酒漿之嘉兆一隅薄稔疊叨雨露之

深恩惟夙號再熟之區而左蠡為滙流之澤昨者湖

濱數縣偶緣夏漲而歉收旋卽

天上下行大布東陽之溫煦爾田爾宅先期奠厥室
家我庾我倉復令弛其和稅彼遺秉而此滯穗
是年仍慶夫三登晝於茅而宵索絢其始可播
之百穀詎有匹夫不獲者猶煩

聖主爲籌之迺荷

慈注彌殷

綸音更渥以西疇可有或其不足於耕而

上澤如春寧使有餘而補比較被水之輕重地區以

八分九分兼權戶產之有無賑加者一月兩月
至於曾經微浸尙可小康亦令計口受糧勸農
給種發白鍤朱提於藩帑四輔翻匙想青蒲紅
杏於江鄉萬家興耜閭闔撲地直逢有脚之陽

春雲日瞻

天共祝無疆之

聖壽卜今年五日風十日雨昌期定集夫嘉祥俾全
省于斯倉萬斯箱

洪祚長介夫景福臣等身佞

京輦籍掛朝班際三元稱

壽之期方陳椒栢盼初吉始和之令深慶梓桑遙憶
鄉情願進康衢而敬頌莫名

帝德惟先葑屋以臚謳所有感激下忱謹合詞繕摺

九叩首恭謝云

內閣學士兼禮部侍郎臣張若淳等謹

奏為恭謝

天恩事內閣奉

上諭上年安徽省亳州蒙城等各州縣因黃水漫溢
田畝被淹卽降旨令該督等實力撫卹分別蠲賑
毋使一夫失所第念今春正賑已畢青黃不接之
時小民生計維艱着加恩將被災九分十分無論
極次概行加賑一個月以資接濟其衛所饑口及
貧民兵屬並着炤正賑之例一體辦理至被災五

六七八分貧民及勘不成災之區仍着該督撫察
看情形或借給口糧籽種或減價平糶分別酌辦
等因欽此欽惟我

皇上

德協生成

道隆茂育豐懋于戊特昭有象之太平重巽以申用
溥不言之美利時暘若時雨若綿區共祝康年
以潤之以暉之江國早邀

渥澤惟臺宿諸州編戶及淮泗各衛屯軍黃流偶溢

于隔年白粲遂虧夫樂歲

帝心廑念蠲租而室有蓋藏實惠允孚賦粟而戶叨
饜飫既佈

皇仁之汜濩咸沾樂意以涵濡茲當韶序初開更荷
德音大沛

睿周乎新陳不接

恩廣夫極次維均省斂又繼以省耕厚生利用踰歲
復加以踰月養欲給求而且推益下之方口糧
足貸酌哀多之德市價胥平慶洽三農哺舍比

戶凡此江淮千里戚被

醴膏闈澍之施卽金蓑笠三春彌形擊壤歌衢之樂
臣等誼開梓里歡捧

綸音感

帝德之難名忱傾額誦知與情之共戴髓液肌淪合
朝野而臚懽先効鳧趨千百爾

高深而獻頌更延

鴻祐千萬年所有臣等感激下忱謹合詞繕摺恭謝

天恩云

完

